

Israël ter in anno ad tabernaculum vel templum Domini peregrinantur. quod præceptum studiosè seruabat Helcana, & Anna vxor eius i. Reg. 1. necnon Christus ipse cum matre sua, & S. Iosepho Luc. 2. Ioan. 12. etiam Gentiles veniebant adorare in Hierusalem propria regione relicta. Actor. 8. Eunuchus Aethiops ex longinqua regione veniebat adorare in Hierusalem. Actor. 25. Paulus ipse festinabat in itinere, vt in Hierusalem faceret Pentecosten. quem locum adducit Hieronymus in epistola 17. ad Marcellam, vt ostendat bonum esse ad loca sancta peregrinari. Hæc igitur exempla ex Scripturis petita, quæ nullo modo reprehendi possunt, satis indicant, non esse inanem peregrinationem.

SECUNDO probatur ex Patribus. EVSEBIUS lib. 6. histor. cap. 9. Alexander, inquit, Hierosolymam adorandi, & locorum Sanctorum videndi causa properauit. Idem refert Hieronymus libro de viris illustribus in Alexandro. Porro iste Alexander floruit centum annis ante tempora Constantiniani, & Martyr fuit sanctissimus, quem etiam mirificè laudant Magdeburgenses Centuria 3. cap. 10. in principio. Ex quo apparet mendacium esse Magdeburgensium, quod ceperint peregrinationes ad loca sancta tempore Constantiniani. S. Nicolaus quoque adolescens ante Constantiniani imperium voti causa peregrinatus est in Hierusalem, auctore Simeone Metaphraste. Idem Eusebius libro tertio, de vita Constantiniani, & Ambrosius oratione de obitu Theodosij laudat Helenam, quod religionis causa Hierosolymam iuerit.

CAVDENTIVS Episcopus Brixianus in sermone de dedicatione templi scribit, se peregrinatum in Hierusalem, & in itinere, cum transiret per Caesaream Cappadociæ accepisse dono à duabus sanctis mulieribus, neptibus magni Basilij, reliquias X. L. Martyrum.

IOANNES CHRYSOSTOMVS hom. 66. ad populum Antiochenum, circa finem, comparans sepulcra Martyrum cum sepulcris Regum: Itaque, inquit, quo regius quidem aulæ videat, nullus vnquam peregrinatus fuerit: multi vero Reges plerumque huius spectaculi gratia peregrinati sunt. futuri namque iudicij vestigia, & signa Sanctorum ades exhibent, vbi demones flagellantur, corriguntur homines, & liberantur.

HIERONYMVS epist. 17. ad Marcellam: Longum est, inquit, nunc ab ascensu Domini vsque ad presentem diem per singulas ætates currere, qui Episcoporum, qui Martyrum, qui eloquentium in doctrina Ecclesiastica virorum venerint Hierosolymam, putantes minus se religionis, minus habere scientia, nec summam, vt dicitur, manum accepisse virtutum, nisi in illis Christum adorassent locis, de quibus primū Euangelium de patibulo conuolauerat. Item in epist. 27. de obitu Paulæ: Cum, inquit, gentis homines ad loca sancta non veniunt? In epist. 46. ad Rusticum, qui vouerat peregrinari ad loca sancta Palæstina: Redde, inquit, quod presente Domino spontidisti. incerta est vita mortalium, ne ante rapiarū, quā

A tuam impleas sponsonem. Denique epist. 154. ad Desiderium, hortatur illum, vt veniat ad loca sancta, & inter alia dicit: Certe adorasse vbi steterunt pedes Domini, pars fidei est.

SULPITIUS lib. 2. sacrae historiae describens acta Helenæ dicit, illud esse mirandum Hierosolymis, quod in loco, vnde Dominus cælum ascendit, adhuc seruentur pedum eius vestigia, & cum ad eum locum vndiq; fideles confluant, & rapiant aliquid calcari pulueris, damnum tamen arena non sentiat.

PAULINVS epistol. 11. ad Severum: Non aliter, inquit, affectus homines ad Hierosolymam rapit, nisi vt loca, in quibus corporaliter presens fuit Christus, videant, atq; contingant. Et natali 3. S. Felicis scribit, eurbas innumerabiles ex remotissimis locis peregrinari solitas ad corpus S. Felicis.

PRVDENTIVS in hymno de SS. Hemiterio & Chelidonio:

Exteri necnon & orbis
Huc colonus aduenit.
Fama nam terras in omnes
Præcucurrit proditrix
Hic patronos esse mundi,
Quos precantes ambient.

AVGVSTINVS epist. 137. ad clerum & populum Hipponensem: Elegi, inquit, aliquid medium, vt certo placito se ambo constringerent, ad locum sanctum se peregrinaturus.

CASSIANVS lib. 4. de institutis renunciantium, cap. 31. meminit Monachorum, qui orationis causa ad loca sancta pergebant: Quidam, inquit, fratrum ad loca sancta de Aegypti partibus orationis causa conuenerant.

SOCRATES lib. 7. capite penultimo scribit, Eudociam Theodosij iunioris vxorem ex voto Hierosolymæ peregrinationem suscepisse. Sanctum Alexium peregrinatum ad nobiliores Ecclesias mundi, scribit Simeon Metaphrastes in eius vita.

BEDA lib. 5. hist. cap. 7. scribit Regem Ceddallam peregrinationem ad limina Apostolorum suscepisse, cupientem ibi Baptismum suscipere, & mox à Baptismo ex hac vita migrare. Quorum vtrumque impetravit; nam in Sabbatho S. à Papa Sergio baptizatus, in ipsa hebdomada Paschæ, in albis positus, leui morbo correptus migravit ad Dominum. Item capite 20. scribit Regem Cœnredum relicto regno peregrinationem ad Apostolorum limina suscepisse, & apud eadem limina in ieiuniis & precibus vsque ad vitæ finem permanisse.

NICOLAUS I. in epistola ad Michaëlem scribit, multa millia hominum ex omnibus terræ finibus confluere solita ad limina Apostolorum religionis causa.

PALLADIUS in hist. Lausiaca, cap. 113. scribit Philoromum, Presbyterum bis voti causa peregrinatum Hierosolymam, & item ex voto peregrinatum Romam ad limina Apostolorum,